

Hää sõbra'!

Valmis om saanu II Uma Pido DVD!

Teno Piiriveere Liidri ja PRIA tugõmisõlõ jaetas 300 valmissaanu DVD-d massulda avaligus pruukmisõs. Uma massulda eksemplari saava' pidol laulnu koori', tugõja', Võro ja Põlva maakunna umavalitsusõ', raamadukogo', muusõumi' ja Piiriveere Liidri piirkunna turismiettevõtja'.

**A kiä massulda tükü umanigus ei saa, a õks taht olnu ilosat pito miilde tulõta ja filmi päält hinnäst ja ummi tutvut-sõpru üles otsi, saa tuud tetä DVD-komplekti ostõn. Tuu mass 100 kruuni.**

Komplektin üte karbi seen om kats plaati:

- I plaadi pääl om pido nakatus, pääväprogramm ja rongikäük
- II plaadi pääl om pääkontsõrt

Mõlõmba plaadi pääle om pant ka kõnõlõmiisi pidoliisi ja pido tegejidega.

**DVD saati osta kaejatsipidol 24. septembril kell 19 Räpinä rahvamajan.**

Ku mi Räpinäl ei trehvä, sõs võiti ostma tulla' tüüpäivilde 9.00.-17.00. Võro Instituuti (Tartu tn 48 Võrol).

Ku Võrolõ tulõkis om tii pikk vai jala' kehvä', sõs andkõ umast DVD-telmisest teedä' aadrõsi **triinu.ojar@wi.werro.ee** pääle. Postiga saatõn om üte DVD saatmisõ kulu 15 kruuni, ku pakk om suurõmb, lätt ka postikulu kallimbas.

Uma Pido kõrraldajidõ nimel,  
Triinu Ojar  
triinu.ojar@wi.werro.ee  
533 22 153